

HAL EHWAL PELAJAR & ALUMNI

Untuk maklumat lanjut, sila hubungi:-

Jabatan Hal Ehwal Pelajar
Bangunan Anjung Siswa,
Universiti Malaysia Sabah,
Jalan UMS, 88400 Kota Kinabalu, Sabah.

Tel : +6088 - 320 000
Samb : 4219 / 4175
Faks : +6088 - 320 060
E-mel : pejhep@ums.edu.my
Web : www.ums.edu.my/hepav2

Sektor Hal Ehwal Pelajar
Tingkat 2, UMS, Kampus Antarabangsa Labuan
Jalan Sungai Pagar, 87000 W.P. Labuan,
Malaysia

Tel : +6087 – 460 409 / 466 751
Faks : +6087 – 465 149
E-mel : adminkal@ums.edu.my

Pengenalan

Fungsi Hal Ehwal Pelajar dan Alumni (HEPA) telah wujud seiring dengan penubuhan Universiti pada 24 November 1994. Pada mulanya HEPA ini telah memulakan operasinya di Kampus UMS Jalan Tuaran. Dekan (Hal Ehwal Pelajar) yang pertama ialah Prof. Dr. Kamaruzaman Hj. Ampon. Bermula tahun 2000, portfolio Dekan telah ditukar kepada Timbalan Naib Canselor (Hal Ehwal Pelajar).

Prof. Datuk Dr. Mohd. Noh Dalimin telah menjawat jawatan Timbalan Naib Canselor (HEP) bermula pada tahun 2000 sehingga tahun 2007. Prof. Dr. Amran Ahmed telah dilantik sebagai Timbalan Naib Canselor (Hal Ehwal Pelajar & Alumni) pada tahun 2007 dan diganti oleh Prof. Datuk Dr. Kassim Hj. Md. Mansur pada tahun 2009. Bermula pada tahun 2014, Prof. Dr. Ismail Ali telah menjawat jawatan tersebut sehingga kini.

Terdapat empat (4) Jabatan/ Pusat yang terdapat di bawah portfolio Timbalan Naib Canselor (HEPA) iaitu:-

- Jabatan Hal Ehwal Pelajar;
- Pusat Perumahan Pelajar Dan Hospitaliti;
- Pusat Kerjaya dan Alumni; dan
- Pusat Sukan.

JABATAN HAL EHWAL PELAJAR (JHEP)

Jabatan Hal Ehwal Pelajar (JHEP) berfungsi sebagai pusat perkhidmatan kepada pelajar dalam perkara-perkara yang berkaitan dengan kebajikan, perumahan pelajar, kesihatan, kaunseling, kerjaya, aktiviti berpersatuan, biasiswa dan bantuan kewangan pelajar. Matlamat JHEP adalah melahirkan graduan yang seimbang, berketrampilan, bertaqwa dan patriotik.

JHEP terbahagi kepada lima (5) Bahagian utama iaitu:-

- Bahagian Pentadbiran & Kewangan.
- Bahagian Pembangunan Pelajar;
- Bahagian Kebudayaan & Kesenian;
- Bahagian Kaunseling & Bimbingan Pelajar; dan
- Bahagian Kebajikan & Kewangan Pelajar.

JHEP yang terletak di Anjung Siswa bersebelahan dengan Dewan Canselor turut menyediakan beberapa kemudahan seperti berikut:

- Mesin ATM
- Kedai Koperasi
- One Stop Centre
- Kafeteria
- Mini Mart
- Dewan Serbaguna
- Bilik Seminar

PUSAT PERUMAHAN PELAJAR DAN HOSPITALITI

Pusat Perumahan Pelajar dan Hospitaliti merupakan pusat pentadbiran induk kolej-kolej kediaman pelajar. Pusat ini bertanggungjawab dalam mengurus fasiliti pelajar di kolej kediaman, termasuk pengangkutan dan kafeteria. Pusat ini juga mengawalselia pelaksanaan polisi dan falsafah penginapan di Kolej Kediaman iaitu "Kolej Kediaman adalah pusat kecemerlangan lanjutan dan pelengkap kepada sistem pendidikan Universiti".

Senarai Kolej Kediaman UMS adalah seperti berikut: -

KOLEJ KEDIAMAN	KAPASITI
Tun Mustapha	1,776
Tun Fuad	1,454
Excellent (E)	3,600
Kingfisher	462
USIA - 1Borneo	460
Tower A - 1Borneo	110
Tower B - 1Borneo	32
Tower C - 1Borneo	36
Eco Park	700
Alpha (UMS Kampus Antarabangsa Labuan)	1,444
Beta (UMS Kampus Antarabangsa Labuan)	576
Lestari (Fakulti Pertanian Lestari, Sandakan)	1,000
JUMLAH	11,650

PUSAT SUKAN

Peranan utama yang dimainkan oleh Pusat Sukan adalah mewujudkan budaya bersukan dalam kalangan mahasiswa Universiti, selain berusaha melahirkan 'The Thinking Athletes' dari kalangan mahasiswa Universiti untuk diketengahkan bagi mewakili Negara. Antara fungsi utama Pusat Sukan ialah:-

- Menganjurkan acara Sukan Massa bagi mahasiswa UMS seperti sikit sukan, kejohanan olahraga dan liga sukan pada setiap semester;
- Pengurusan atlet prestasi tinggi sama ada penganjuran sukan, penyertaan sukan, kem latihan dan persediaan peralatan atlet;
- Mengenalpasti bakat dan calon-calon untuk ditawarkan Biasiswa Sukan serta memantau kemajuan akademik dan kebajikan atlet di Universiti;
- Menyedia, mengurus, menyelenggara serta memberi perkhidmatan kemudahan sukan dan riadah kepada pelajar, kakitangan dan orang ramai; dan
- Penganjuran acara sukan di peringkat kebangsaan dan antarabangsa.

PUSAT KERJAYA DAN ALUMNI

Penubuhan Pusat Kerjaya dan Alumni adalah selaras dengan keperluan untuk memastikan peningkatan jumlah pelajar dan alumni yang memperolehi pekerjaan melalui bimbingan dan nasihat kerjaya (*coaching*) serta pelaksanaan program pembangunan kerjaya kepada pelajar.

Pusat ini menyediakan prasarana yang kondusif dan perkhidmatan cemerlang sebagai langkah memperkasakan sahsiah mahasiswa ke arah menjadi graduan yang holistik dan memenuhi keperluan pasaran kerja. Selain membantu melahirkan graduan yang unggul berteraskan kepada keseimbangan dari segi intelek, jasmani, rohani, emosi dan sosial, Pusat ini juga bertekad menyediakan graduan yang mempunyai kemahiran/ciri-ciri yang berkaitan bagi menghadapi dunia kerja selaras dengan keperluan industri masa kini.

Selain daripada agenda pembangunan kerjaya dan kebolehpasaran graduan, Pusat ini turut berperanan sebagai landasan dalam menjalin dan memantapkan hubungan di antara alumni dan *alma mater*. Pusat ini juga bertanggungjawab dalam mengemaskini pangkalan data alumni, menguruskan pengumpulan maklumat penjana pendapatan Universiti melalui sumbangan alumni, di samping merancang dan melaksana pelbagai aktiviti untuk kepentingan bersama.

Pusat Kerjaya dan Alumni terbahagi kepada empat (4) Bahagian iaitu:-

- Hubungan Industri dan Kebolehpasaran Graduan;
- Latihan & Pembangunan Modal Insan;
- Keusahawanan; dan
- Alumni.

MAJLIS PERWAKILAN PELAJAR (MPP)

Majlis Perwakilan Pelajar (MPP) merupakan badan induk kepada Persatuan Mahasiswa Universiti Malaysia Sabah (PMUMS) yang mewakili seluruh pelajar berdaftar Universiti. Penubuhannya adalah mengikut Seksyen 57 Perlembagaan Universiti Malaysia Sabah P.U. (A) 460 melalui proses Pemilihan Majlis Perwakilan Pelajar (PMPP) yang diadakan setiap tahun di mana calon pelajar Universiti ini akan bertanding untuk menduduki kerusi yang diperuntukkan di dalam satu PMPP yang sama seperti Pilihan Raya Umum. Semua pelajar berdaftar yang sedang mengikuti kursus di peringkat ijazah dan sarjana secara automatik boleh menjadi ahli MPP dan layak mengundi dalam PMPP.